

皆建置之大端也維此葛邑社稷人民係焉考工之
舉自昔已然顧必相其緩急量其豐歉因仍而不譏
於苟且修葺而不失之更張要使利民而不以病民
斯善矣詩曰邇求厥寧又曰經始勿亟宰民者不可
不體此意也爲建設志

城池

王公設險以守其國城郭爲郡邑之首務矣葛城春
秋時建亦可謂古今之名區哉自漢唐而下或屬軍
府或爲州治想其規模制度定有可觀乃考其舊志

纍纍一土城而已其甃埔始建堞自待明季而然則又
吾所未解也或隘而更擴遷而復修世蒙其庇歌頌
不休至於洎水有逼城之恐濠河有衝決之虞思患
預防民力孔疚是在職司者加之意可耳

長葛縣方城周圍六里一百五十步高二丈五尺厚
一丈爲堞一千六百四十七

城門五座東曰迎恩南曰正德西曰利用北曰惠波
四門上俱有樓小南門曰坤靜上無樓

葛城相傳春秋鄭伯時建歷代因之明正統十三年

知縣黎驛修葺舊止四門正德年間因劉六劉七寇
變築閉四門開小南門以便樵汲嘉靖三十二年知
縣李節重修萬曆年間知縣王用賓添建東門甕城
崇禎十三年知縣張焞乾始砌以磚明季寇毀僅存
丈餘

國朝順治三年知縣高鳳翔重修康熙二十四年知縣
李元讓重修

城濠濶四丈五尺深一丈明崇禎七年知縣李在公
開鑿外池東北隅植柳築堤以防河患順治十一年

雙汨河漲衝决舊堤知縣徐昇補修自邇年汨水泛
濫直逼城隅濠河衝决民力困瘁未遑修築誠今日
之急務也

關廂惟東西二門人煙輻輳其南北明末寇毀

學校

學校之興廢人才盛衰之候也其關乎教化之源者
不綦重乎葛邑之廟已經再遷矣工費殷繁資力不
繼無怪乎規制缺畧而典章未備也今值

聖天子右文之世禮樂修明百度咸舉敢不竭蹶趨承

以襄盛典棟宇門墻次第建修俎豆笙鏞悉皆繕製
葛之士民能不鼓舞振興共仰

盛世之休風也乎

先師廟四楹

東廡四楹

西廡四楹

戟門兩楹

泮池 有橋三洞

聖域門 左坡

賢關門 不撤

櫺星門四楹

照壁

東騰龍門 未修

西起鳳門 未修

東德配天地坊 未修

西道冠古今坊 未修

啟聖祠兩楹 在正殿東

敬一亭 在祠前

尊經閣 在正殿後

名宦祠兩楹 在閣左

鄉賢祠兩楹 在閣右

文昌閣 在學宮東

魁星樓 在東南隅城上

明倫堂四楹 在尊經閣後

誠意正心兩齋 未修

義路 左掖

禮門 右掖

觀德亭

未修

教諭宅

在堂後

訓導宅

在堂東

儒學大門

在敬一亭西

祭器

正殿

大香爐一

大燭臺二

花瓶二

雲壘尊一

犧尊一

象尊一

銅二

簋二

簠二

豆八

籩八

爵杯三

筐篚二

帛匣二

盥洗盆架二

御書萬世師表四字牌額上懸殿中

知縣何鼎恭製

東配

香爐一

燭臺二

銅二

簋二

簠二

豆八

籩八

爵杯三

帛匣一

西配

香爐二

燭臺二

銅二

簋二

簋二

豆八

籩八

爵杯三

帛匣一

十哲

香爐二

燭臺四

銅四

簋四

簋四

豆十六

籩十六

爵杯六

帛匣二

啟聖殿

香爐一

燭臺二

銅二

簋二

簋二

豆八

籩八

執壺一

爵杯三

帛匣一

東廡

香爐一

燭臺二

銅二

簋二

簋二

豆八

籩八

執壺一

爵杯三

帛匣一

西廡

香爐一

燭臺二

銅二

簋二

簋二

豆八

籩八

爵杯三

帛匣一

文昌祠

香爐一

燭臺二

銅二

簋二

簋二

豆八

籩八

執壺一

爵杯三

名宦祠

香爐一

燭臺二

銅二

簋二

簋二

豆八

籩八

執壺一

爵杯三

鄉賢祠

香爐一

燭臺二

鉶二

簋二

簋二

豆八

籩八

爵杯三

魁樓

香爐一

燭臺二

鉶二

簋二

簋二

豆八

籩八

執壺一

爵杯三

樂舞器

編鐘十六

有架

編磬十六

有架

琴二

瑟二

簫二

笛二

排簫二

笙二

埙二

篪二

大鼓一

有架

搏拊鼓一

有架

祝一

敔一

麾旛一

有架

旌節一

有架

龍翟三十六

籥三十六

琴桌二

瑟桌二

樂器櫃二

案桌二

樂生二十八名

歌章四名

笙二名

簫二名

笛二名

琴二名

瑟二名

篪二名

埙二名

排簫二名

搏拊一名

祝一名

敔一名

鐘一名

磬一名

大鼓一名

執麾一名

引節一名

舞生三十六名皆執籥秉翟

縣曰葛邑學宮舊在縣治東北元泰定四年建後
毀於兵廟基被傳千戶侵占邑人鄉進士李邦基
訟於官正之邑人任履真捐資修建元末復毀明
洪武三年主簿李兌重修永樂正統景泰成化間
知縣楊海黎驛任勵縣丞陳瓊教諭陳緣相繼重
修嘉靖十四年知縣李鑑遷建於縣治東門內義
士李廷珍捐金三百助修詳見廟學記嘉靖二十
五年知縣劉寓春重修明末傾殘

國朝順治十一年知縣徐昇重修康熙十二年知縣米

漢雯爲其近城淤隘以狹褻爲嫌捐俸倡建於縣
治之東闔邑士民以資財地基捐者不一其人監
生李士芝張仔觀董其役期歲畢功詳見碑文規
模雖備制度未宏二十三年知縣李元讓復建敬
一亭二十五年知縣何鼎甫下車見荒蕪滿目慨
然興嘆卽爲捐俸庀材鳩工教諭呂貫恒訓導寶
應選典史石燦各捐俸有差并勸諭紳士義助

聖殿猶覺低暗爲之加礎升高數尺并兩廡俱加丹彩
凡泮池泮橋聖域賢關櫺星等門照壁圍墻次第

建設邑人監生王風淳路金輅生員王惟亮張勅
張仔豫共襄其事一時崔巍煥耀學制大備士民
鼓舞各

憲獎諭事經

上聞蒙

褒紀錄二十七年欣逢

勅諭學宮製器演樂

大中丞閻公 欽奉

天子聖意遣官馳曲阜延樂師四人教傳音律舞蹈仍

選子弟聰敏者至省從學既成歸教其儕遵照

會典備置祭祀樂舞器什其樂器俱邑令何鼎捐俸自置其祭器同呂竇諸君并紳士捐置皆以點銅爲之工緻精堅現貯黌宮比年丁祭俎豆輝煌聲容美備

盛世元音得見於下邑

朝崇師重道

撫憲貞教作人端化源而育人材心誠殷也然葛邑原係中縣戶口賦役可按籍而考也而廩增之設

人泮之數僅與小縣等此緣

國初經制未定荒亂之後供億孔繁以中作小乃致泮
宮闕寂而學憲衡文未免有遺珠之嘆康熙二十
六年王學憲按臨童生具呈本縣知縣何鼎面
陳懇請學憲較文亦云葛邑文章爲諸邑冠三
次撥入府庠者六人此特一時邀恩究非成例尙
有企於當事之鼓舞樂育著爲定額則葛邑之文
風益賴振興矣其建學置器二事俱詳碑記

公署

葛經狂氛昌熾之餘峻宇雕墻鞠爲茂草何有於公
署故國初守土之司棲息民居者數載也四十年
來相次建葺僅有規模其行司屬署多所未備而政
教所司必有其地防閑內外不可不嚴公庭解宇其
能緩乎然棠陰可以聽政繭絲亦重可懷安在其巍
煥乎哉

縣治大堂五間

康熙五年知縣吳泰建修

二堂三間

康熙二十六年知縣何鼎重建

聖諭坊

康熙二十六年知縣何鼎建並砌甬道

東西房各六間 康熙二十六年知縣何鼎重建

皂隸房二間 康熙五年知縣吳泰修

儀門三間 康熙二十四年知縣李元讓修

頭門三間 上為鼓樓康熙二十四年知縣李元讓重修

庫樓 在正廳東康熙十五年知縣米漢雯建康熙二十六年知縣何鼎修

常平倉 在大堂西三間康熙二年知縣何勝光建 在賓館後五間康熙二十九年知縣何鼎

改建

知縣宅 在二堂後順治七年署縣事禹州州判詹世烈修十三年知縣徐昇繼修康熙二十四年

知縣李元讓繼修二十六年知縣何鼎於思補堂之東偏新蓋正房二層每層五間左右羣房廊廡

相接規制宏暢前建書房三所并諸羣房共三十
二間俱炤江浙之式又舊存之屋亦並修葺所有
鳩工庀料悉出已資無
一瓦一木及於民者

典史宅

在大堂東南順治十七年典史范培臻建修
康熙六年典史李士俊繼修十八年典史路

達繼修二十九年

典史石燦繼修

賓館三間前門一間後房五間

在儀門外東康熙二
十四年知縣李元讓

建其後房五間康熙

二十九年又建倉廩

獄 在儀門內西

申明亭

在縣治大門東未修

旌善亭

在縣治大門西未修

布政分司

按察分司

以上二司俱廢康熙三十年知縣何鼎於舊址新蓋察院一所 頭門三間

官廳三間在頭門東 班房三間在頭門西

儀門三間 東西脚門各一間 大堂五間

書吏房六間在大堂前 後堂五間 左右廂

房共六間 廚房五間在後堂西 馬房五間

在後

堂東

府館

在縣治西未修

陰陽學

在縣治東未修

醫學

在縣治西未修

僧會司

在東門外端壁寺

道會司 在縣治東北城隍廟

社學 舊在縣治東北康熙十二年知縣米漢雯移建
廟學西

嘉惠書院 在學宮西康熙十二年知縣米漢雯捐俸
創建

大中丞書院 舊在布政分司東康熙二十二年大
中丞王公題 請改折漕糧萬民戴德

知縣李元讓時建今傾圮康熙二十九年秋災
大中丞閻公具題暫免徵解漕米本色士民感悅

知縣何鼎時合建於司
西有碑記見莪文志

義學三處 一在城內 一在董村鎮 一在濟眾橋
俱康熙二十六年知縣何鼎捐俸創建每年

延集生徒按季餽送
修膳並給膏火之資

預備倉 在縣治西北隅未修

惠氏藥局 在縣治南未修

養濟院 在城隍廟西順治十三年知縣徐昇修

廣濟院 在東門外未修

總舖 在縣治大門內西

齊村舖 在縣東十里

董村舖 在縣東十八里

梁庄舖 在縣東南二十里

演武場 在縣西北一里馬步民壯二十六名每年春秋團操守護城池

論曰縣治在城內西南前代建修遠者無考自明

長葛縣志 卷之二十一 禮
洪武元年主簿曹忠建成化十五年知縣張綸修
及崇禎十四年舉城盡毀於寇 國初借署民舍
者數年至順治七年後可是土者接踵修營歷四
十餘年尙未如制乃若行司屬署倉局院舖等未
經全復足覘瘠土之民艱於物力如是仍列舊日
俟後來者次第修舉云爾

祀宇

膺人民之責者必先之以社稷蓋事神卽所以保民
也故春秋祈報之典必有一定之區他如先哲之風

高賢宰之茂績難忘咸致享祀以志仰慕殷遙
而已然葛雖荒殘載在祀典者室宇如故也亦以見
葛之官民猶不廢誠恪之意也歟

社稷壇 在縣城西北一里

風雲雷雨山川壇 在縣城南半里

邑厲壇 在縣城北半里

城隍廟 在縣治東北明洪武二年主簿李兌奉勅建
嘉靖八年知縣王奇重修萬曆四十二年係

知縣王茂才重修康熙十一年知縣吳泰重修昔
景泰四年夏有盜一夥謀劫禱于廟中笈有凶兆
賊怒夜火其廟時知縣廖鏞夢神語之故且以賊
姓名告之鏞驚起猶見神衣冠偉然立于前遣人

捕之一
訊而服

土地祠

在縣治賓館北康熙元年知縣何勝光修十五年知縣米漢雯重修有碑記二十六年知

縣何鼎
增修

馬神祠

在縣治大門內東康熙二十四年知縣李元讓修

關帝廟

在縣治東北明正德六年署縣事縣丞王廷璽建修十六年知縣趙禎重修康熙五年知

縣何勝光重修康熙十一年知縣吳森重修

東嶽祠

在縣城東關創建無考明正德十年知縣黎駢重修天啓三年邑人長沙府道判韓河興

重修康熙十八年知縣金國端僧官照實重修

中嶽祠

在縣城西關萬曆年邑人李光宗創建順治五年宗曾孫李玉芝李監芝重修

河伯廟

舊在城北泊水高岸明崇禎八年知縣李在
公因湮溺流寇感其有靈同典史倪拱辰創

建詳戰勝記康熙十六年知縣米漢

雯重修二十三年知縣李元讓重修

八蜡廟

在縣東卓君

張仙祠

在縣東一里舊在任子墓後康熙十一年知
縣吳泰遷建盧醫廟後

子產祠

在縣西五里有臺高十丈其基十餘畝上平
三畝祠建已久順治十三年知縣徐昇重修

康熙十八年知縣鄭

惟嚴重修有碑記

卓太傅祠

在縣治東十里高岡上大傅為密令時負
驅蝗至此立祠岡上因以名其岡東有八

蜡

廟

陳太丘祠

在縣西五十里乃其里宅故址後人立德
星觀于上即其祠也

徐元直祠

在濟眾橋南順治十三年知縣徐昇重修

白樂天祠

在縣治西南四十里萬曆七年知縣聶啓元重修三十七年鄉民康大臣重修康熙

二十六年生員李鈞衡捐資倡眾重修碑見莪文志

任子祠

在縣東一里明正德十一年知縣李璇建萬曆十一年知縣黎塾重修明末没于寇

墓域

邦之墓兆周禮所記凡以重古人藏魄處也然必德

立者名不朽是以登箕山而想許由壑峴碑而懷叔

子憑弔不忘生死一致葛之墓域不多見而千秋遺

愛名士風流以及懿行令望之昭垂宅兆於茲者夏

皆有光於枌榆者也昔人云賢愚千載蓬蒿一丘夫豈其定論哉

春秋

子產墓

在縣西四十里陘山上介葛鄭間

祭仲塚

在陘山上子產墓東

漢

徐母墓

在縣城南一里有高塚相傳為徐庶母墓無碑碣又云在許州未詳孰是

董永墓

在縣東十五里董村鎮西南百步地極狹下每潦水滙澹不及墓顛相傳為孝子之報然

亦無

碑碣

唐

白樂天墓

在縣西南三十八里白村西有高塚建祠繪像於上

宋

蓋君墓

在縣西二十里古嘉鳳鄉單岳里墓為河所衝今誌石猶存

苗訓墓

在縣西南二里苗家村西南村中苗姓其後裔也明村民樊八掘入墓中隧道上有

橫石大書苗公墓後列年月日時後又書劫墓賊樊八字其人驚出忽磚石落下壓其半身居民往救備道前事相與壘築倍高不敢有犯

古聞人墓

在縣東南九里封陞岡上姓氏久無可考

明

黃公墓

在縣北二十里馬陵岡公名級封丘人管左都御史

任子墓

在縣東一里舊有斷碑今廢詳見義行

義塚五處

一在城西關外里許明王德十一年知縣李璇立 一在演武場西萬曆二十七年

邑人黃鍾施立

一在濟衆橋北萬曆四十年邑

庠生李毓桂施立

一在城東門外迤北順治五

年知縣李東俊收瘞枯骨立 一在城東關外順

治十年知縣計守信立

論曰嘗讀雍門周之語孟嘗君曰墓生荆棘狐兔

穴其中樵兒牧豎躑躅遊其上乃知古來之賢人

君子其泯沒於荒煙野蔓之中者良多矣如葛邑

相傳未嘗有陵也即數古人之墓猶有始不知而

繼得之殘碑斷石者有知其墓矣而莫考其姓氏
者有知其姓氏矣而不得其墓之所在者有墓居
邑中而誤載他方者舊籍無存言莫能驗撫今追
昔咎有所歸若樵蘇有禁守衛是嚴洵司土者所
當自今伊始也

寺觀

釋老之學盛於前代繻葛窮鄉下邑佛寺玄宮率皆
建置於唐宋元明間近則修繕無力何問特創卽緇
流黃冠亦不過寥寥數人耳令人慨然於興難而廢

易也創置之始安可弗詳

端壁寺

在城東門外僧會司在內宋祥符五年僧慧澄建元至正年僧江公重修明洪武十五年

僧澄覺重修成化年僧會悟增修弘治年知縣許慶重修正德辛巳年趙禎重修嘉靖壬戌年知縣

高旻重修萬曆十年僧常輅重修天啓四年知縣李春旺重修康熙二十九年知縣何鼎邑人汶上

縣縣丞張于七重修僧道還邑民傅弘經監工

壽寧寺

在縣治東北元至正三年僧廣慶建明永樂九年僧真雲重修弘治十年僧祖景增修

國朝順治十二年劉文募資重修大殿遇災未修

聖壽寺

在縣東三里久廢

淨因寺

在縣東十八里明嘉靖十四年李堂徐普建萬曆三年徐應建僧了泉重修萬曆十七年

柳搖金僧月增重修崇禎五年王容僧月增重修

明朗寺

在縣東南二十五里萬曆五年楊愷修康熙十三年知縣米漢雯重修

洪福寺

在縣東南二十里宋時創建明正德年僧明朗重修嘉靖四十一年知縣丁昱重修萬曆

癸丑年周府典彫王全會重修

康熙十三年知縣米漢雯重修

菩提寺

在縣西十二里天啓二年楚時變重修萬曆二年知縣巴蜀冷文煜重修康熙十年邢首

召重修

鐵佛寺

在縣北十八里康熙十五年知縣米漢雯重修

清朗寺

在縣西北三十里漢代勅建明景泰七年知縣丁昱重修

留村寺

在縣西五十里明成化年知縣翟貴僧會常重修順治十三年知縣何勝光重修康熙二